

Muhdú pámeere páné iínújiri ijcyáné miamúnaa meijcyáiyóne

Tujkénúeju

ihyaamtí pañétú caatúváné páné iínújiíne múnádítýú tsaate tsatsihvú idyóbéévéne muhdú miamúnaa meijcyáiyóné pityácójcatsíne.

Ditsiééberédípye 10-ri 1948 ijcyáné pijcyábari tsaate páné iínújiíne túkevéjtsojtédítýú píhcyaavé ipityácójcatsí muhdú miamúnaa meijcyáiyóne. Á;ané dobéévé "Naciones Unidas" néemeé. Aaméhjáa téijyu caatúnú 30-neva miamúnaa maávyejúúlléiyonéhji. Aanéhjáa imí ijtsúcunúnéllii néeme ténehji páné iínújiíne múnáake iúúbállémeiki. Téhduréhjáa néeme ténehji cóátúnúmeiháámí pahúllevávú pámehdívúré itsújááve téhaami ditye patsíhživávúré iééveki.

Á;ané boonétúhjáa íne méiiínújí túkevéjtsojte téhdure ipíhcyáávéne nées páneere 30-neváa cóátúnúmeíne muhdú néhdu meijcyáiyóné méiiínújiri.

Aane ténehji mewáábyuta ijcyáhi. Á;nehji múu imííneúvú iwáájácúne tehdu ijcyáhi. Aane tsá múu íhdyivúré pícyootúne. Múu ínahbémudivú pajtyétsó ténehji ditye iwáájácúne tehdu íjcyaki.

Pityájcoju íhdénúmeíne

Muurá pámeere tsáápiitsa méboohówama meijcyane mewáájácúmeicyá botsíi máájíyúiníyá muhdú imí meijcyáiyóne. Á;ánéllii tsá tsaate tsíjtyé hójtsi pañe meicyáityuró ícubáhrádú. Tsá tsaate tsíjtyedi meícubáhráítyuróne. íllure mépiáábójcatsíyá pámeemáyé imí meijcyane tútávátsójcatsítýme.

Á;rone teene méboohówa íjcyaroné mewáájácútúné níjcauvú muurá tsaate muhdú imí meijcyáiyódú íjcyatúmé illure tsaatédí ícubáhráíjcyáhi. Aane ehdu ditye méénune pámeere miamúnádivuro ímityúne. Muurá pámeere ííñujiri íjcyáné miamúnaa méijyáacunúrá tsaimíyé meijcyáiyóneri. Tsá múha méhdivu tútaválléítyuró meihjyuvánee, íná mecáhcujtsónee, íjcyane. Aame tsá íñeri meíllityéítyuróne. Tsá píhtójú pañe meijcyáityuróne. Ehdu meijcyane pámeere miamúnaa imí méijtsúcunúhi.

Ehdu ímityúné medáíívéjcatsíiyóné íhdétú íjcyáiyóné méema túkevéjtsojúúne. Muurá tsaate ímityúné meke méénúhajchíí téénej tééveri tsaimíyé méimíbáchójcatsíhi. Muurá tene íjcyátuca tsáijyu máavyéjujte íjcyáromema mémúnáátsójcatsíiyáhi.

Aane mewáájácucárá téénej tééveri pahúllevá iínújiíne múnádama imí meijcyáiyáhi. Tsá tsaatéké menéhnílléítyuróne. Muurá pámeere miamúnaa ííñujiri meijcyame méimíllé tsahdúré imí meijcyáiyóne.

Muuráhjáa 'Páné Iínújiíne Múnáá Pihcyááve' némeíne pañe tsúúca ítsaavémé muhdú pámeere miamúnaa wajpíimumáyé walléémú meijcyame tsahdúré maávyejúúlléjcatsíiyóne. Aame mépiáábójcatsíiyá panéjcvávú tsahdúré pámeere imí meijcyaki. Á;ané pityájcoju íne muhdú miamúnáake mépiáábóiyóné tsúúca méema íjcyáneri mewaaajácútsó páhduube cómíne múnáajpi méboohówama meijcyane ditye iávyejúúlléne icyáhcújtso imí íjcyaki.

Muuráhjáa 'Páné Iínújiíne Múnáá Pihcyááve' némeíne pañe íjcyame nées páhduube cómíne múnáajpi méboohówama, méijtsútuma, meijcyame maávyejúúlléjcatsímyé múhójtí pañe meijcyátuki. Aamée pítyácójcatsí muhdú miamúnáake ípiááboíne imí ditye íjcyaki.

Aane ímiááné tehdújuco pámeere wáájácúiyóné muhdú túkevéjtsoju néhdu meijcyame maávyejúúlléjcatsíiyóne.

Ahdícyane 'Páné Iínújiíne Múnáá Pihcyááve' némeíne pañe íjcyame nées ténehji néhdu páhduube ííñujiri íjcyáné miamúnáajpi méijcyáiyóné mewáábyuta tene íjcyánélliihye. Á;áneri meijyacunúiyá muhdú tene néhdu meijcyáiyóneri. Á;hdure tsíjtyeke méúwáábóiyá méiiínújí múnáa íjcyátúróméhjimájuco ditye tehdu íjcyaki. Ehdu imí méijcyáiyá tsúúca teene mewáájácúme teenéi wáájácútúmé pamévamáyé.

Á;ané túkevéjtsojúúné illu néehíí:

1. Túkevéjtsoju

Pámeere ííñujiri meijcyame tsá múhójtí pañe ícubáhrádú meijcyáityuróne. Pámeere tsahdúré imí meijcyame mewájýujcatsíne mépiáábójcatsíiyá tsaatéké éhdiívvállétúmé éhne múu mépañétúéné nahbénuma meijcyadu.

2. Túkevéjtsoju

íne íhyaamtí muhdú tene cóátuvádú méijcyáiyá pamévamáyé memúnaa íjcyátúrómema. Tsahdúré meijtsúcunúiyá pamévakéré wajpíímuke, walléémuke, pahdúváré méjpíihañe menéérómeke, pahdúváré meihjyúvárómeke, muhdú Píívyéébeke cáhcújtsórómeke, tsáijyu múne tsaate múhdurá túkevéjtsojtédítýú íjtsámeiyómeke, tsííne iínújí múnáa íjcyárómeke, íhtsútúmeke, ídáátsórómeke, muhdííhvátsihjívú tsíímvámeiyómeke; pámeekéré tsahdúré méijtsúcunúiyá tsaatéké éhdiívvállétúme.

Téhdure tsá múhdurá meijtsúcunúityuró tsáijyu múne tsaate túkevéjtsojte múhdurá ííñújí múnáake túkévéjtsórómeke. Tsá ditye ítyaúhbaíjúné múhdurá méénúroné pañe íjcyámeke meéhdíívválléítyuróne. Tsané iínújí múnáa tsaaté hójtsí pañe múhdurá íjcyárómeke tsá meéhdíívválléítyuróne. Tsahdúré méijtsúcunúiyá iiye túkévéjtsómeiyómema diityéke.

3. Túkevéjtsoju

Páhduube imí méijcyáiyáhi. Á;ámeke tsá múha íñeri meke ipátsárijcyómeke tútávájtsóítyuróne.

4. Túkevéjtsoju

Tsá tsaate meke íhyójtí pañevú pícyoome ícubáhrádú meijcyame diityé íicúve múnáa meijcyáityuróne. Tsá muucá miamúnáadívú menéjhíhénúítyuróne. Eene tsáma ávyeta tsá ímíllémeítyúne.

5. Túkevétsoju

Tsá tsaatédí meícúbáhráityuróne. Tsaatéké meúwáábócooca chooco meúwáábóiyáhi. Tsá meméénúityuró iyáábeke múu méénudu.

6. Túkevétsoju

Páhdube miamúnáajpi iñe méiñújiri ihdyícyátsii meijcyarómé téhdure méijcyá teene túkevétsojúúné pañe. Aame mépiivyété tsaatéké menéene mewáábyuta páme wáabyutaré tene ijcyane meke ipíááboki.

7. Túkevétsoju

Tsáné imibájchoju tsaatémá meméénúcooca tsá tsaatékére mepíáábóityuróne. Pámeemáyé tsahduré imibájchoju méénúmeíiyá muhdú imichi teene taúhbaju néjijtóri.

8. Túkevétsoju

Pámeere miamúnáama imityúnéhjí imibájchoobe imibájchóiyá tehdiivane diityémá pájtyécooca muhdú taúhbaju néhdu tsaatéké éhdiivállétuubére.

9. Túkevétsoju

Tsá tsaatéké peecutére meékéévéne mecúvejáánúityuróne. Téhdure tsá peecutére tsaatéké méiñújitu meijchívyétsóityuróne.

10. Túkevétsoju

Tsaate tsíjtyé hallúvú imityúnéhjí imibájchóóbeke úbálléijvu díbye éllevu péemema imíñeúvúre imibájchóiyooobe muucá éhdiivállétuubére. Á;rónáa ihdy tsá díbye tsaatékére píáábóityuróne. Méénúiyooobe muhdú teene taúhbaju néhdu tsahduré pámeemáye.

11. Túkevétsoju

Tsaate tsíjtyé hallúvú imityúné úbállécooca tsá peecutére menééityuro imiááné tehdujuco tene ijcyane. Tujkénú páñetu úbállémeíiyómé muhdú tene ijcyane imíñeúvú mewáájacuki.

Muuráhjáa taúhbajúi imíñeúvú pánéévetúnáa tsaate múhdurá ijcyarómé hallúrí tsá pahdu iiná ijcyatúne. Á;ijyúu imityúné méénúomeke tsá icyooca ijcyáné taúhbaju néjijtóri meúwáábóityuróne. Méúwáábóiyá téijyúu ijcyáné taúhbaju néjijtóri. Á;rónáa ihdy icyooca tsaate imityúné méénúhajchíí botsíi meúwáábóiyá muhdú icyooca ijcyáné taúhbaju néjijtóri.

12. Túkevétsoju

Tsá tsaatéké iñnerí mepátsárijcyóityuróne; tsá tsaaté já mepátsárijcyóityuróne; tsá tsaate tsíjtye éllevu wállóóné waajácúhááimi meéévéityuróne; tsá tsaatédityú néhniyu mewááóityuróne. Ehdú nénéhi ihdétú ijcyáné méema taúhbajúúné páme wáabyuta meke tene ityéhmeki.

13. Túkevétsoju

Tsáné iñnújiri meijcyame mépiivyété mepééiyóné kiávú méimilléhullévu. Aame méijcyáiyá kiá meimillétsihyi.

Muurá pamévaré mépiivyété tsííñé iñnújivu mepééiyóne. Aame méóómiyá méiñnújivu meimillécoóca. Aane tsá múha meke tsáhájtsóityuróne. Muurá mépiivyété mepééne meimilléhajchíí téhulle meijcyaki.

14. Túkevétsoju

Muurá méiñnújiri ícúbáhraméí pañe meijcyáhajchíí mépiivyété mepééiyóné tsííñé iñnújivu. Á;áné iñnúji múnáa tsaimíyé meke waatsúcúpéjtsóiyá imí diityémá meijcyaki. Tsá meke ditye cátúhtsópéjtsóityuróne.

Á;rónáa tsáijyu múne méhdityuré ijcyane imityú medáráívémeihijcyámé ihdy tsá mepívyetétú tsííñé iñnújivu mepééiyóne. Awááréjuco iñe muhdú íhyaamí pañétú tene néhdu meijcyátúhajchíí muurá tsá mepééityuróne.

15. Túkevétsoju

Pamévaré miamúnáa méijcyá tsáné iñnúji múnáa. Aane tsá múha meke nééityuró tsáné iñnúji múnáa meijcyatúne.

Téhdure tsá múha meke peecutére wállóóityuró tsííñé iñnújivu. Téhdure idyé tsá múha meke nééjuri tsííñé iñnúji múnáajpíyéjuco meijcyáityuróne.

16. Túkevétsoju

Pamévaré miamúnáa wajpíímumáyé wallémú piivyété ityáábávájcatsíñé iééve újjetétsihvu iimilléhajchííjyu. Aame tsúúca tsája múnáa ijcyame piivyété ítsííhaváne. Á;ánetu tsá múha diityéké tsáhájtsóityuróne. Tsá muhdú tene néétu mutéhjí ditye ijcyane, muhdú Píívyéébeke ditye úraavyéne. Muurá pámeere piivyété tyáábávájcatsíñe. Aane diitye táábávájcatsímyé avyéjúúlléjcatsíiyá tsahdúre. Téhdure wáágóójcatsíyómé avyéjúúlléjcatsíiyá tsahdúre.

Á;ánetu tsá muucá metáúhbáityuró ditye ityáábávájcatsíki. Caatyé ityáábávájcatsíñé imillémé páñetu iye iimilléhajchíí piivete ityáábávájcatsíñe.

Muurá ihdy páñetu meijcyájuco teene tsája múnáa meijcyane. Aame pámeere méijcyá tsahduré meinuji túkevétsojíé túkevétsojú pañe.

17. Túkevéjtsoju

Muurá pámeere tsáápiitsa méijcyátsihjima méijcyáiyá meimílléhajchííjyu. Téhdure tsaaté múnáa ilinújima íjcyáiyá íimílléhajchííjyu. Aane tsá múha tsáhajtsóityuróne.

Aane tsá peecutére múhdityú íjcyátsíí múha dójtúcúityuróne.

18. Túkevéjtsoju

Pámeere miamúnáa mépiivyété muhdú méjtsámeidyú méijcyáiyóne, kéjijtóri Píivyéébeke meúráavyéiyóne. Téhdure mépiivyété tsáijjótóú tsíijjótóú mepájíyeyóne muhdú meimíllédu. Aame idyé mépiivyété iná méjtsámeíneri, iná mecáhcújtsóneri méihjyúváiyóne mééréétsihvu. Téhdure mépiivyété medóbéévétsihvu tsíjtyeke meúwáábóné keená eúráavyejjito.

19. Túkevéjtsoju

Pámeere mépiivyété iná méjtsámeíne méjyújcaáyóiyóne tsijtye iwáájácuki. Aane muhdú méjtsámeíne méihjyúváné hallútú tsá múha meke tsáííléityuróne. Muurá mépiivyété panévaré mewáájane. Téhdure mépiivyété muhdú tsíjtyé íjtsaméí íjcyane mewáájacúné waajácúhaamíne meéévénej tééveri. Muurá idyé mépiivyété iná méjtsámeíne mecáátunúne, meúwaabóne. Aane páneere mépiivyété ihdyícyóhullévú tsííne inújinevú metsújaucúne. Inehji páneere mépiivyété meméénune mecáátúnúneri, méihjyúvánéri, panévariýé muhdú meimíllédu. Á;óné hallútú tsá múha meke iná nééítyuróne.

20. Túkevéjtsoju

Pámeere mépiivyété tsatsíhvú medóbeevéne mepityácójcatsíki. Téhdure mépiivyété tsáha múnáa tsané wákimyei meenuhá pañévú meúcaavéne.

Á;rónáa ihdyu tsá múha meke ávyeta táúhbáityuró tsáha múnáajpi méijcyaki.

21. Túkevéjtsoju

Pámeere mépiivyéterá méiinújí túkevéjtsojie íjcyáha múnáa pañévú meúcaávéiyóne. Meere meúcaavéne mepívyetétúhajchíí tsíjtyeke meméménúmeke mewáállóóiyá mecápayóóve.

Muurá pamévaré mépiivyéterá méiinújí túkevéjtsojte níwáávéné wákimyéiháñé meméénúiyóne.

Muurá pámeere miamúnaádré mémenúme tsané inújí túkevéjtsojte íjcyáhi. Teene meenúme caatyéké ityújkevééllémeke téévéneúvuré imyéménúneri. Aane tsá tsaatére pívyetétú teene imyéénune. Muurá pámeere mépiivyété meméménúne. Á;rónáa tsá múha meke táúhbáityuró tsaate metújkevééllétúmeke meméménuki. Meere pánetu caatyé méjtsúcunúmeke meméménúiyáhi. Téhdure idyé meméménúiyá tsaatéke muhdú meimílléjijtori. Á;rónáa ihdyu imíneúvú tene íjcyáiyódú meméénúiyáhi.

22. Túkevéjtsoju

Pámeere méhdi íjcyáiyóne iné tájpi méijcyane. Á;nejcútú méiinújí avyéjuchte meke píáábóiyá ipívyetédúneri. Téhdure tsíñehjí inújine múnáa dsídsivámé meke píáábóiyá iné tájpi méijcyáiyóne méijcyátsótúmeke. Aame iná meke píhtotúme tsúúca imí mepánéévémedi tsá múha méhdi úúhívatéityuróne. Ehdu méijcyáiyá imí memúnáama méijcyame meúráávyé méihde múnáaúvúu úráávyehíjcyánetu kéjítójí imí méjtsúcunújijtojí.

23. Túkevéjtsoju

Pámeere mépiivyété mewákimyéima méijcyáiyóne. Á;rónáa idyé tsá téeneri ávyetá icúbáhraméí meméénúityuróne. Aane teene wákimyéí túkévejtsómé tsaimíyé meke túkévéjtsóiyáhi. Á;ánetu tsáijyu múúne tsaate iwákimyéima íjcyátúhajchíí pamévaré mepíáábóiyá téhdure iwákimyéima ditye íjcyaki.

Pámeere mépiivyété tsahdúre méujcúiyóne mewákimyéí áhdó muhdú mewákimyeíne tujkévevu.

Pámeere wákimyéí múnáa iná iwákimyeíne áhdó újcúiyá tééne tájpi ísímema imí íjcyame iávyéjúúllémeíki. Aane tsáijyu múúne tsaaté wákimyéí áhdó úújetétúhajchíí tsíjijtóriyējuco tsíjtyé diityéké píáábóneri.

Pámeere wákimyéí múnáa piivyété idyóbéévéne ipityácójcatsíiyóne muhdú iwákimyéí tsíñehjima íjcyane íimíbáávyétsoki.

24. Túkevéjtsoju

Pámeere mépiivyété mewákimyéityúí tsárahja mewáyééévéiyóne. Aane tsá mewákimyéí mepátyéévétsóityuróne. Eevériýé mewákimyeíiyáhi. Muurá téénellíi íjcyáné téénetu mewáyééévehíjcyárahji. Á;rójcoojíí áhdó méujcúiyá téjcoojíí mewákimyeítyúrónáadca.

25. Túkevéjtsoju

Pámeere mépiivyété tsaimíyé méijcyáiyóne méétsímema. Aame mejháháñema méijcyámedityú tsá majcho, wájjamu, tsíñehjí iné tájpi méijcyáiyóne píhtóityuróne. Mechémécocca métáábimyéiyáhi. Íjcyáné tsíñehjí téhdure imí meke píáábóiyonéhji. Á;nejcúhítu mepíáábójcatsíiyá imí tsaméhjí méijcyaki. Tsaate iwákimyéima íjcyátúmeke mepíáábóiyá ditye téhdure iwákimyéima íjcyaki. Téhdure kéémemu, pííbájjuchte tsijtye ídátso néeme iwákimyeíiyóne pívyetétúmeke mepíáábóiyáhi.

Téhdure idyé walléémú éévájtema tsiiniéwuúmuke tsaimíyé météhméiyá imí ditye íjcyaki. Tsá apáámyéré imí ityáábávájcatsíne tsímáváméj tsíimeke météhméityuróne. Téhdure imí táábávájcatsítyúróméj tsíimeke tsaimíyé météhméiyáhi.

26. Túkevéjtsoju

Pámeere mépiivýeté waajácuhaamíé mítéiyóne. Tsá tsiime waajácuhaamíné ítetúmé íjcyáityuróne. Imillémeiñé pámeere tsiime waajácuhaamíné ítéiyóne. Aane tsá áhdómeityúne. Téhdure pámeere mépiivýeté éhniíñevújuco íjcyáné uwáábovu meúcádvéiyóne mewákimiyéima meíjcyaki. Tsá tsaaté wáabyutaré tene íjcyáityuróne.

Pámeere uwáábó íjcyá mewáábyuta meke tene wájácuúvetsómé pamévakéré maávyejúúlleki. Aame tsá meéhdíiválléityuró tsííñé iinújí múnáa, tsíjyúhjiri íhjuvámee, Píívyéébé icyanéjcu pahdúváré úráávyeróme, íjcyámeke. Á;ánej tééveri 'Páne Inújííne Múnáa Pihcyááve' némeímyé túkevýtsoju néhdu páhduube cómíñe múnáajpi imí íjcyaki.

Muurá pámeere mépiivýeté méetsíimeke keená imí meíjtsúcunúné ditye áabohíjcyátsihvu meúácóiyóne.

27. Túkevýtsoju

Pámeere mépiivýeté muhdúhjáa meíhdé múnáaúvú icyahíjcyánetu imí meíjtsúcunújitójí meúráávyeíyóne majtsíháñe, nuutáháñema tsíñehjí imí nénehjí. Á;néhjitú tsá múha meke píívyetétú íbóíjcyúiyóne. Téhdure tsíñehjí éhniíñevu mépiivýeté mewáájácúiyóne méicyanéjcuene íjcyátúronéhjí keená meke píááboiyonéhjí mewáájácuki.

Pámeere mépiivýeté meméénúiyóne tsane, mecáátúnúiyóne tsané íjtsaméi. Á;néhjí hallúvú ímichi teene méénume dsíidstváiyáhi. Tsá tene ímillémeityú tsane meméénune tsijtye íékéévéne hallúvú dsíikístváiyóne.

28. Túkevýtsoju

Pámeere tsíñehjí inújííne múnáama mépiivýeté meíjcyáiyóne túkevýtsojú pañe imí meíjcyaki. Á;ánélliihyée muurá páhduube panéva inújííne múnáajpi idyóbéévéne meenú túkevýtsoju. Aane tútávájtsóiyóne taúhbaju muurá tsá íjcyatúne. Ehdú íjcyáiyóne muhdú íhyaamí pañétú tene néhduú.

29. Túkevýtsoju

Pámeere máhallurí teene memúnáama imí meíjcyánetu meke píaabóné meméénúiyóne. Á;ánetu mewaajáácúiyá ímíááné tsúúca mewáájacuuvéjucóomé imí mepáneevéne.

Á;ánéllii tsúúca íjcyáné mééma panévatúré meke túkévéjtsóiyóne taúhbajúúné pámeere tsahdúré imí meíjcyaki. Aame tsá metútávátsójcatsíityuróne. Pámeere pátsáricyójcatsíityúmé meíjcyáiyá tsahdúré imí meíjcyaki. Tsá múha píívyetétú ímillédú meke idyáíívéiyóne tehdu múhójtí pañe meíjcyámekéjívári.

Muuráhjáa íñe túkevýtsojúúné néhdu tsaímíyé meíjcyáiyáhi. Aane tsá múha tsíhdyuréjtsóíityuró 'Páne Inújííne Múnáa Pihcyááve' némeiñé pañee íjcyame méénúné túkevýtsojúúne.

30. Túkevýtsoju

Pámeere íñe íhyaarní pañe íjcyáné túkevýtsoju méénúmeíñé tsá múha tsíñejcúvúré illéébóne ímillédú tsaatéké dáríívéityuróne. Tsáijyu múúne tsaápi, tsaáte, méiínújí túkevýtsojte íjcyarómé tsá tehdu méénúítyuróne.